



# БЛАГОВѢСТНИК

ДУХОВНА ГАЗЕТА ДЛЯ ПОД-  
КАРПАТСКИХЪ РУСИНОВЪ



АВГУСТЬ  
ЧИСЛО 8.  
РОЧНИКЪ X.



ПЕЧАТНЯ, ВЫДАВНИЦТВО ЧИНА  
СВ. ВАСИЛЯ ВЕЛИКОГО, РЕДАК-  
ЦІЯ И АДМИНІСТРАЦІЯ ВЪ УЖ-  
ГОРОДЪ, УЛИЦЯ РАКОВЦЯ Ч. 54.

Въ день Успенія Пр. Богородицы дня 28 (15) авг. отбудеться

## ВЕЛИКІЙ ОТПУСТЬ

въ церкви ОО. Василіянъ на Чернечої Горѣ к. Мукачева.

Якъ каждого рока такъ и сего прійдуть паломники, изъ усѣхъ сторонъ Подкарпатской Руси, отdatи поклонъ Пр. Дѣвѣ, заступницѣ Мукачевской. Прійдуть шукати помощи у стопъ еѣ святої Іконы. Тамъ каждый буде годень обновити свою душу въ святой сповѣди и скрѣпити еѣ св. Причастіемъ. Кто лише хотя разъ въ своеімъ житію бывъ на томъ святомъ мѣстѣ, николи не забуде тыхъ великихъ ласкъ, якихъ удостоився отъ Пречистой Дѣви. Николи не зайде изъ его очей то множесто людей, яки спѣшать своими пѣснями звеличити Нашу Небесну Матерь.

---

## Вже появився перший великий МАДЯРСЬКО-РУСЬКІЙ СЛОВАРЬ Виданя Педаг. Т-ва.

Под редакцією:

Емиліана Бокшая, Юліана Ревая и Др. Мих. Брацайка.

Словаръ мае понад 516 сторон друку, формат 15 + 21 цѣна 60 Кч. з пересилкою почтовою (поручено) 64 Кч.

Получити можна въ Выдавництвѣ ОО. Василіян. Ужгород, Раковци 54. Высылається **лише** по передном одержаню грошей або за послѣплатою (добѣркою).

# БЛАГОВѢСТИКЪ

## ДУХОВНА ГАЗЕТА ДЛЯ ПОДКАРПАТ. РУСИНОВЪ

Редакція, адміністрація, експед.:  
Выдавництво Чина св. Василія В.  
въ Ужгородѣ, Раковиця ул. ч. 54.

Августъ  
1930

Предплата на цѣлый рокъ 10 Кч.,  
за границею 17 Кч.; до Америки  
повъ дол. — Одно число 1 Кч.

Число  
8.

Выходить 1-го кождого мѣсяця  
Отвѣчат. редакторъ: о. Іоакимъ Хома ЧСВВ.

Рочникъ  
X.

### Алкоголизмъ.

**С**ТРАШНЪ несчаствя нанесло піянство всѣмъ народамъ. Тѣ несчаствя, такѣ великѣ, что проти піянства выступає не лише Церковь, але кождый чоловѣкъ, котрый має хоть крыхотку розуму и правоѣ волѣ. Та ниякому народови той порокъ не пошкодивъ такъ страшно, якъ нашему рускому. Тѣ шкоды мы довжнѣ познати, чтобы противъ того порока повести войну и чтобы той порокъ у насъ вынищити изъ коренемъ.

Въ паленцѣ, винѣ, пивѣ, руму находится отрова, что называется алкоголемъ. Той алкоголь, коли есть чистый, горить сильнѣйше якъ нафта и тому палить людское тѣло. Коли алкоголь есть дуже розпущеній въ водѣ, тогды не дѣлає такъ сильно. Тота отрова нищить здоровля тѣла, але больши шкоды приносить людской души.

Велики такожъ шкоды приносить алкоголь родинѣ. Першое великѣ шкоды наносить такой дѣтямъ, бо родители піяки затровують своимъ питьемъ дѣтей. Мати, что піє паленку, або вино дає ту отрову дѣтинѣ, что ссеє вразъ изъ молокомъ матери.

О много лѣпше зробилабы мати, коли мѣсто паленки, пилабы молоко. Что такъ дѣйстно есть, показує досвѣдъ. Профессоръ Демме студіовалъ черезъ 12 роковъ 10 родинъ, якихъ родители были піяками и десять, якихъ родителї были повздержными. Родители мали менше болѣше то самое число дѣтей. Въ піяцкихъ родителей 44% дѣтей умерло заразъ, 10½% было ідіотами, 8½% хороvalи на подлу хвороту, а лише 17% было здоровыми. Въ другихъ родичахъ было 82% здоровыхъ дѣтей, а лишь 8% померло. Лѣкарь Мартинъ каже, что въ парижскомъ

шпиталю было 83 дѣтей хворихъ на подлу хворту, изъ тыхъ 63 были дѣтьми піяковъ.

Коли до сего додаме, что въ родичовъ, котрѣ пютъ, часто дѣти рождаются мертвими, то будеме мати хоть де якое понятіе про шкоды алкоголя.

Та не доста того. Въ родахъ, где есть піятика, тамъ есть чисте пекло, тамъ . судный день, тамъ битка, сварка, проклоны.

Алкоголь, котрый нашѣ люде выпивають въ родѣ паленки, або вина, побольшуе въ чоловѣка сердце, такъ что сердцу забракне мѣста. Тогда піякови при говореню стає тяжко отдыхати, дусить его при роботѣ, тому то піяки такѣ лѣнивѣ и тяжкѣ, бо справдѣ, черезъ піятику и духу имъ бракуе.

Много иншихъ хвортъ спричинює алкоголь, а между ними найчастѣйша, се подла хворота. Такій хворий трясеся, має разнѣ привиды, видить онъ гадюки, мышѣ, мухи боиться, въ конци не годень спати.

Піянство доводить людей такожъ до того, что они тратять постепенно розумъ и становятся подобными до скотины.

Нецивилизований народъ Ескимосы, скоро познали шкодливый впливъ паленки, назвали его дуже влучно: „то что отбирає чоловѣкови розумъ.“ Ученый Дросте говорить, что въ Нѣмеччинѣ достается рочно 30,000 людей черезъ піянство до домовъ слабоумныхъ. Что піякъ — скотина въ людскомъ тѣлѣ, може переконатися каждый, кто лише разъ въ житю позеравъ на піяка. Піянство несе такожъ нужду и худобность.

Коли бы мы звѣдалися, чому тѣ полонины въ горахъ, тѣ широкѣ поля на долахъ, въ чужихъ рукахъ, то певно можеме сказать, что тѣ полонины, тѣ поля занесла паленка до корчемъ. Коли бы можно счислити тѣ короны, якѣ рочно идутъ на Подкарпатю на паленку и вино, то певно можно бы было за нихъ въ кождомъ селѣ постачто найменше одну нову школу, заплатити учителя, або кождому газдѣ купити одну корову.

То творить чоловѣкови алкоголь въ дочасныхъ добрахъ, але колько несчастія приносить онъ для душѣ? Звѣдаймесь грѣшниковъ зъ отки тѣ убѣйства, чу-

жолоства, битки, побитя жонъ, дѣтей, крадежи? Ци не отъ паленки? Звѣдаймесь тыхъ злочинцовъ, что сидять, запертъ по вязницяхъ, ци они или, ци нѣ. То . больша якъ половина отвѣтить, айно.

Тому то св. Письмо выключает піяковъ изъ царства небесного. Св. Апостоль Павель въ посланію къ Галатомъ, что котрѣ такое (піянство) дѣютъ, Царства Божого не достуپлять.

Тому христіянинъ повиненъ вздержоватися отъ напоѣвъ, якъ не зовсѣмъ, то принайменше повиненъ въ питью заховати умѣркованя. Сего домагается отъ него и спасеніе власноѣ душѣ.

## Зовялъ квѣтки.

Коли одного разу славный Петро Флю слухавъ Службу Божу, мавъ чуднѣ видѣнія. На земли въ Каплиці прозябъ маленький бростокъ, который росъ такой на очахъ, и выпускавъ изъ себѣ маленьки галузки покрываючи ся листками. Незадовго изъ того бростка розвилося красное дерево. Оно розпростерло свої галузки по цѣлой каплицѣ. Дерево почало кольчитися и пускати бости, и квѣтки пречудноѣ красы, якихъ николи онъ не видѣвъ, покривали цѣлое дерево. Подувъ легкій вѣтерецъ помежи галузки и квѣтки покотилися на головы присутныхъ на Службѣ Божої. Коли квѣтки падали на головы, деякихъ слухачовъ, тратили свою краску и свѣжость и чорнѣли якъ уголь. На головахъ другихъ оборотно задержовали свою красу и запахъ, та блестѣли якъ срѣбло.

Петро Флю не годенъ бывъ догадатися значенія того видѣнія и позвѣдався своего брата, чтобы онъ ему пояснивъ. Брать ему такъ пояснивъ: „Дерево есть образомъ благодатей, якѣ обильно спиливають на людей подъ часъ безкровноѣ жертвы Спасителя. На ней ласки Божіи спливають на людей якъ квѣтки. Коли впадуть на твердѣ сердца, вянуть, але лишаються свѣжими и пахучими, коли впадуть на ревнѣ, побожнѣ и горячѣ душѣ.

## СОТВОРЕНІЕ СВѢТА

### День четвертий.

Четвертого дня сказавъ Богъ: Да квѣтѣ скѣтила на ткериціи бесенѣй швѣщати землю, и разлѣчати между днімъ, и между ноїю:

и да будеть въ знаменїј, и въ времена, и въ дни, и въ лѣта. И да будеть въ просвѣщенїє на тверди небеснѣй, ако свѣтити по земли, и и бысть тако. И сотвори Богъ два свѣтила велика: свѣтило великое въ начала днѣ, и свѣтило меншее въ начала нощи, и звѣзды. И положи я Богъ на твердь небеснѣй, ако свѣтити на землю. И владѣти днемъ и нощю, и разлучати междъ сѣмомъ и междъ тмою: и кидѣкъ Богъ, ако добро. И бысть вечеръ, и бысть оутро, день четвертый. (Быт. I. 14. 19)

На сей четвертый розказъ Бога новѣ дѣла представляються намъ.

1. Створеніе сонца. На всемогуче слово великого Бога сотворена изъ ничего, заколысалася въ просторахъ страшна огнена куля, котра есть миллионъ сто тридцать тысячъ разовъ больша, якъ наша земля — се великое, горячое, якъ наша земля — се великое горячое свѣтлое сонце, новый гость на свѣтѣ.

Давнѣ народы думали, что сонце, то богъ и покланялися ему, але Богъ каже въ св. письмѣ, что сонце то такожъ лише створеніе, якое могло и не истновати. Промѣръ (ширина) сонца есть майже, сто двайцать разовъ болшій отъ промѣру нашоѣ землѣ, а отъ поверхнѣ сонца до его осередку есть два разы дальше, якъ отъ нашоѣ землѣ до мѣсяца. Якъ видиме сонце есть дуже великою кулею оно такое великое, что изъ него можнобы выробити миллионъ и тристо тысячъ такихъ великихъ куль, якъ наша земля. Ученымъ людямъ вже вдалося обраховати, что матерія, изъ котроѣ есть зроблена соняшна куля, есть о много рѣдша и о много лекша отъ того матеріалу, изъ якого есть утворена наша земна куля; и такъ показується, что матерія сонца есть четыри разовъ лекша и рѣдша отъ нашего звычайного каменя, т. е. ледва полдруга разовъ густѣйша и тяжша отъ нашоѣ воды. Коли отже одень литеръ нашоѣ воды важить одинъ килограмъ, то литеръ матеріи сонца важить одинъ и поль килограма. Сонце мае дуже велику притягаочу силу, то есть оно дуже сильно притягаєть все до себе. Вченѣ выраховали, что tota рѣчъ, котра на землѣ важить одинъ килограмъ, то на сонци та сама рѣчъ важилабы тысячу пятьсотъ килограмовъ. Якъ видиме, немали бы мы жадноѣ корысти, якъ бы мы пошли на сонце, бо тамъ мы не моглибы ани рушитися изъ мѣста, бо каждый нашъ палецъ бывбы незвычайно тяжкій.

2. Далекость сонца отъ землѣ. Богъ помѣстивъ сонце далеко въ просторахъ, але помѣстивъ его на се, чтобы оно было користнымъ для землѣ. Для того такожъ давъ ему отповѣдну одлеглость отъ землѣ. Якъ бы сонце дальше было отъ землѣ якъ теперь есть то наша цѣла земля былабы вѣчно покрыта ледами; а колибы знова сонце было близше, то цѣлковито спалилобы зелмю. Якже мудро се Господъ выраховавъ! А се лише на то, чтобы огрѣти кулю, котроѣ обводъ выносить сорокъ тысячъ километровъ. Богъ сказавъ слово, а tota велика соняшна куля затрималася далеко отъ землѣ на двадцать миліоновъ миль т. е. 150 мільйони километровъ. А чому ажъ такъ далеко? Се для того, чтобы лучъ, котрѣ выходять изъ сонца, мали часть розлетѣтися, розсіятися. бо колибы они отразу бухнули на землю, спалили бы еї цѣлкомъ. Чтобы выяснити

собѣ просторъ между сонцемъ а землю, звернѣмъ увагу на се, что куля изъ канона, котра летѣлабы шѣсть сотъ метровъ на одну секунду, т. е. цѣлу милю въ 12-секундахъ, мусилабы летѣти изъ нашої землѣ до сонца повныхъ десять лѣтъ.

Намъ выдается, что сонце критится наоколо землѣ, але се якразъ противно, бо земля крутиться наоколо сонца. Дорога, по якой иде земля доокола сонца, есть шѣсть и чверть разовъ довша, якъ отдаленіе землѣ отъ сонца, что творить 940 милюнъ километровъ миль. Таку велику дорогу перебѣгає наша земля протягомъ одного року; то значить, въ протягу одної добы (24-годинъ) перебѣгає наша земля два и повъ милюна километровъ. въ протягу одноЯ години сто осемъ тысячи километровъ, а на кажду минутку — секунду перелѣтає тридцать километровъ, т. е. точно четыри миль. Такъ шаленно скоро гонить наша земля довкола сонца. Найскорша поспѣшина машина потребовалабы сѣмсотъ роковъ, чтобы перешла таку довгу путь. Подумайме, что треба бы 10. миліарды машинъ а до каждой машины требабы запрягти 10. миліарды коней, чтобы рушити землю изъ мѣста.

Отже земля крутится около сонца, але и сама крутится доокола своеї оси и зато одна половина землѣ обернена до сонца — на той половинѣ есть день, — а друга половина землѣ отвернена отъ сонца — а на ней есть ночь. Коли наша половина землѣ звертается до сонца, то тогды намъ выдается что то сонце сходить. Але припустѣмъ, что оно сходить, якъ то намъ выдается. Подля того скажеме, что сонце каждого дня въ іншомъ мѣстѣ сходить и заходить, томуто ани одинъ день не есть точно такій, якъ бывъ по передній день, ани точно такій, якъ слѣдуючій день. И томуто по словамъ Псалмопѣвца Давида: „День дню отрыгаєтъ глаголъ“ а ночь переказуетъ слѣдуючій ночи, въ которой хвилѣ маєтъ зачатися, а въ которой хвилѣ скончитися.

Якѣжъ то великъ чуда! Кто то сказавъ сонцу: „Не зачинай завтра день такъ, якъ днесъ а не кончи его днесъ такъ, якъ закончило его вчера?“ Кто то между вчерашнимъ а нынѣшнимъ сходомъ назначивъ ему туту точку котру оно не смѣє переступити? Кто утримує туту страшно велику кулю въ безмежномъ просторѣ? Кто не позволяєтъ ему ани даже зблизитися до землѣ, ани даже отдалитися отъ неї? Се той самъ великій, всемогучій и всемудрый Богъ, который сотворивъ и маленького члесвѣка и еще меншого хробака, се той самъ Богъ до котрого молимеся „Отченаша“ котрого мы принимаеме въ святомъ причастію, се той самъ предобрый и ласковый нашъ Богъ котрого ми колись въ небѣ будеме оглядати лицемъ въ лице. Его величъ, Его красу проповѣдуєтъ намъ наше сонце.

3. Свѣтло и темнота сонца. Свѣтло, которое перебѣгає триста тысячи километровъ на секунду, потребуетъ 8 минутъ чтобы долетѣти отъ сонца до насъ. А каждої хвилины милюнъ такихъ солнечныхъ лучовъ долѣтаютъ до насъ. Сонце розсвіасихъ на всѣ стороны и освѣтлює и огорює землю.

Сколько лампъ и якъ великъ лампы требабы зробити, чтобы освѣтити цѣлу землю? А тутъ маеме едну лампу, одно великое сонце, которое освѣтлюе цѣлу землю, все свѣтить и николи не высвѣтится. А свѣтло дуже потребное для землѣ. Отъ, спробуйте такое: посадьте якунебудь ростину въ цѣлкомъ темной хижи, не довго она буде рости, скоро звяне, высхне и згине, а тата сама ростинка на полю, ци въ салѣ красно буде рости, бо тамъ мае свѣтло. Тому то все видиме, что тоты цвѣты, якъ люде тримаютъ въ облакахъ, (окнахъ) все суть нагненѣ на дворъ, ци на улицу, де мають больше свѣтла. Такъ само и теплоты. Якбы все зимно было, то мы не малибы изъ чого выжити: загрѣе сонце подростае трава, достигае нашое зерно, достигаютъ овочѣ и все жіе — веселится. Не былобы тепла, не былобы ани ростинъ, ани звѣрять, что ростиною живлятся, не былобы ани скотины, ани хижоѣ звѣрины, та небылобы ани чоловѣка, бо немавбы что ъсти.

Отъ такѣ то корысти приносить намъ сонце, хоть оно такъ дуже далеко отъ насъ. Богъ сотворивъ его, чтобы оно намъ помагало. Ци мы памятали на се? Ци мы дякували за се Господу Богу? Подякуйме Ему хоть теперь и просѣмъ, чтобы и на дале дбавъ за насъ.

Продовженіе слѣдуєть.

## Успеніе Пресв. Богородицы.

Праздникъ Успенія есть не лише одинъ зъ найстаршихъ, але такожъ одинъ изъ найвызначнѣйшихъ праздниковъ Пресвятоѣ Дѣви Марії.

Папа Венедиктъ XIV каже, что се свято, спомежъ усѣхъ іншихъ мае особлившое значеніе, бо пригадуе намъ славу, нагороду тріумфъ Пр. Д. Марії.

Христіяне знаючи якою милою и славною была тата хвиля, коли Пречиста Дѣва перенеслася до Небесноѣ краины, дуже вчасно начали праздновати ту велику подїю изъ житя Пречистої Дѣви.

На востоцѣ се свято началося мабуть заразъ по Ефезейскомъ Соборѣ 431 рока, такъ, что на слѣдующій рокъ припалобы 1500 роковъ отъ первого празднованія Успенія Пр. Дѣви.

На западѣ, въ Римѣ, се свято впроваджено мало позднѣйше, десь ажъ въ семомъ столѣтію, за Папы Сергія.

Зъ початку, не всягды праздновано се свято 15 августа, нпр. въ Франції праздновали его въ януару, то самое и въ Епіонії. Въ Римѣ и на востоцѣ однакъ завжdy святковано 15 августа. Сей день потомъ приняли всѣ христіяне.

Успеніе Пресвятої Богороць, се праздникъ нашоѣ надѣї. Коли мы знаєме, что въ небѣ маєме нашу Матерь, прославленну зъ душою и тѣломъ, чуєме більше силы въ нашої души и сподѣлемеся більшої помочи зъ небесъ, чтобы сповняти наши христіянски повинності и черезъ то заслужити собѣ на прославленіе нашої души и нашего тѣла.

## Марія прибѣжище грѣшниковъ.

(Продовженіе)

Мартиній не бывъ злымъ чоловѣкомъ лишь боявся, чтобы Маргарета не выбрала собѣ такій станъ житія, въ якомъ была бы всегда несчастлива. Посля довгой надумы сказавъ до своей воспитанки, что если по двохъ рокахъ повторить свою просьбу, то онъ не спротивиться еѣ, а дастъ ей свое благословеніе и самъ поможе ей вступити до монастыря.

Маргарета тымъ розрадовалася. Она сердечно подяковала опѣкунови и постяновила терпеливо чекати.

Два роки минули, якъ сонъ. Молода сирота ходила на балы, на забавы, была въ найкрасшихъ мѣстахъ и столицахъ Европы, одnymъ словомъ, точно сповняла волю своего опѣкuna. Хотя опѣкунъ вынадивъ чторазъ новѣ забавы, новѣ пріемности, Маргарета числила мѣсяци, дни и години тыхъ двохъ роковъ и все памятала на той день коли скончится еї проба; тожъ первымъ еї словомъ того дня, было повтореніе своей просьбы, чтобы опѣкунъ позволивъ ей вступити до монастыря. Опѣкунъ завезъ ю до Риму до манастиря, где наставницею была его своячка. Онъ поручивъ ей Маргарету, а самъ сумный вернувъ до Неаполю.

Счастье Маргареты не мало границъ. Римъ, столица цѣлого христіянского свѣта! Тысячи мучениковъ проляли тутъ свою кровь за святу каѳолическу вѣру. Тутъ гробы св. Апостоловъ Петра и Павла. О, якъ она радовалася теперь, коли могла видѣти тѣ святѣ мѣста!

Попозеравши всѣ святѣ памятки вѣчного мѣста, замкнулася Маргарета въ монастыри. Монахинѣ — сего монастыря день и нощъ перебываютъ и прославляютъ Іисуса Христа утаенного въ Пресвятой Евхаристії.

Скончивши приписаний новиціять, облеклася побожна сирота въ чернечу ризу и взяла собѣ имя Марія. Теперь зачалося для ней житье повное счаствя и духовныхъ роскошей. Днями — ночами она молилася и просила Іисуса Христа о милосердіе надъ народомъ, надъ грѣшниками. Горячо молилася ко Пресв. Дѣвѣ Маріи и поручала Ей особливо несчастного грѣшника Пепина.

Маргарета зъ каждымъ днемъ зростала въ святости, въ любви къ Богу и къ грѣшникамъ. Сестры уважали ю за взоръ всякихъ чеснотъ, а якъ по трицятьохъ рокахъ еї жизни въ монастыри умерла наставница, черницѣ выбрали ю за свою наставницу. Худобнѣ и жебраки цѣлого Риму радовалися, бо ихъ мати — опѣкунка доступила великогб достоинства и товпы людей тиснулися до дверей тихого монастыря, чтобы поговорити зъ нею, чтобы порадитися, просити о молитвы, о помошь, а были таки, что лише слово хотѣли отъ ней почутi.

Разъ Марія горячо молилася передъ Пресв. Евхаристію за грѣшниковъ. Коли по молитвѣ выходила изъ каплицѣ, сестры дали

ей знати, что якійсь старый чернецъ конечно хоче зъ нею говорити.

Марія выйшла до розмовницъ и увидѣла тутъ сивоволосого старца. Старецъ поглянувъ, попозеравъ на монахиню зъ дивнымъ зворушеніемъ, а по хвилѣ сказавъ:

— „Не познаете мене, Преподобна сестро?“

— „Нѣ, — але здаєся менѣ, вашъ голосъ я колись чула... нѣ, нѣ, не пригадую собѣ.“

— „То може памятаете, дорога сестро, на тихій, лѣтний вечеръ между скалами Калабріи, где вы, якъ молоденькое дѣвчатко молилися у стопъ Пречистой Дѣви Маріи за грѣшниковъ.“

— „Кто забывъ бы свои родиннѣ стороны „одповѣла наставница. На Калабрію всегда памятаю и каждого дня молюся за ей жителей. А я тамъ много людей знала, то и не могу наразъ пригадати собѣ вашего назвиска.“

— „Але вы еще не забыли, преподобна сестро, кто взявъ вамъ сей медаликъ...“ говоривъ старецъ и дрожаючою рукою вытягнувъ образецъ Пресв. Дѣви оправленый въ золото и дорогѣ каменѣ.

— „А — се памятка моей родины! Якъ сіе вы достали, чече ?“ сказала живо черница. „Давно тому выдеръ менѣ еѣ Пепинъ, той страшный разбойникъ, о котромъ вы певно чули и за котрого я молюся каждого дня, хотя слухъ о немъ уже давно загинувъ. Але якимъ чиномъ сей медаликъ достався до вашихъ рукъ? Ци може... Наразъ черница, перестрашилася позерала на старого черца, а похвилѣ здивована крикнула: — „Великій Боже! Ци се истинна правда, ци очи милять мене, ци Пепина виджу тутъ передъ собою?!“

Старецъ упавъ на колѣна и говоривъ зо слезами:

— „Такъ, преподобна сестро, страшный Пепинъ, той знаный разбойникъ, на колѣнахъ дякуе Вамъ за Вашъ молитвы, котрѣ выеднали для него Божое милосердіе. Цѣла Калабрія проклинала мене; вы одна, якъ невинна дѣтина молилися за мене. Сіе мене дуже тронуло и я на памятку Вашої ангелской доброты, взявъ отъ Васъ сей образецъ Пречистой Дѣви Маріи, не прочуваючи, яку тымъ чиномъ готую собѣ муку, але заразомъ и спасеніе.“

По сихъ словахъ замовкъ Пепинъ на хвилю, якъ бы отъ силного зворушенія, а посему говоривъ дальше:

— „Отъ хвилѣ, коли сей образъ повѣсивъ я на шию, я не мавъ спокою. Страшна грызота совѣсти пекла мое сердце, розрывала душу, а якъ я хотѣвъ якійсь новый злочинъ поповнити, медаликъ сей паливъ мене, якъ огнь и отганявъ отъ злого. И я уже хотѣвъ сей образъ откинути отъ себе, але жаль ставало менѣ, коли я подумавъ, что уже не буду видѣти Преч. Дѣву...“

— „Чудесное милосердіе Божое и не высказанна доброта Пресвятої Богородици, прибѣжище грѣшниковъ!“ шепнула черница, а чернецъ говоривъ дальше:

— „Такъ, истинно чудесное милосердіе Божое. Черезъ довгій часъ я боровся зъ ласкою Божою. Товаришамъ я не позволивъ на розбоѣ и рабунки, длятого они зачали буритися, негодовати, а на конецъ явно выступили проти мене, звѣдаючися, что думаю робити



## Преображеніе.

Ішли молитися... Стоять гора таворска,  
— У зелень вбрана и квітчаста вышина —  
Въ далечинъ онъ тамъ, синье глубинъ морска...  
Навколо всюды тишина...

А блідый мъсць осіявъ горску дорогу —  
По ней ступає четверо людей якъ тьнь,  
Ідуть молитися Еювъ, свому Богу  
За счаствия людскихъ поколънъ.

Ідуть мовчки. Прійшли и на колъна впали,  
Поднесли руки до мольбы за свѣтъ увесь; —  
За молитвами молитви новъ взлътали  
До въчныхъ хоромовъ небесъ.

Наразъ Христосъ поднявся... Сонцемъ запалало  
Его святе лице, — одежда якъ той снігъ,  
Мойсей и Ілія эъ Іисусомъ размовляли...  
Апостолы упали зъ нôгъ.

Поднесли очи, якъ тъ повни блеску зоръ  
— Намъ добре тутъ, Іисусе, съни три зробъмъ!  
Розплывся блескъ... и знову темно на Гаворъ...  
Христосъ доткнувся ихъ... „Ходъмъ!“.

зо собою и эъ ними, ци хочу ихъ голодомъ заморити. Тогда я скавъ, что розбоемъ не можу больше заниматися, а имъ порадивъ, чтобы всѣ вернули до роботы, Та они думали, что я розумъ стративъ...“

— „И не послухали васъ?“ зазвѣдала сестра Марія.

— „Урадили между собою, чтобы мене згладити эъ свѣта, але одинъ вѣрный мой пріятель давъ менѣ знати о томъ небезпеченствѣ. Длятого потайно лишивъ я товаришовъ и зайшовъ у найдикшъ майже недоступнѣ скалы Калбріи. Тамъ знайшовъ я собѣ печеру и въ ней пробывавъ. Больше якъ двацять роковъ проживъ я далеко отъ людей, проводячи часъ на молитвѣ и покутѣ. Передъ трьома роками я похворѣвся и тому выйшовъ я до лѣса, чтобы на зберати чось зѣсти, бо якъ цѣлкомъ ослабну, то умру изъ голоду; якъ ничъ небуду мати при собѣ въ той одлюдной печерѣ. Але въ лѣсѣ я зомлѣвъ...“

— „И тамъ знайшли васъ милосернѣ люде?“ вопросилася сестра Марія.

— „Такъ преподобна сестро! Чернецъ изъ монастыря, знайшовъ мене безпритомного, забравъ мене до монастыря и тамъ вылѣчили мене и тѣлесно и душевно. На учили мене катехизму, приготовили до св. Тайнъ, я доставъ разрѣшеніе и оставъ черцемъ.

Теперь глядавъ я за вами, преподобна сестро, бо хотѣвъ Вамъ отdatи сей медаликъ, якій я Вамъ укравъ. Я глядавъ за Вами, але никто не могъ менѣ сказать, где Вы обертаетесь. Я пошовъ до Неполю, але Вашъ опѣкунъ уже не живъ. Я уже не мавъ надѣи, что Васъ еще увижу. Але — по правдѣ сказавши — я тымъ дуже не смутився, бо могъ задержати собѣ сей медаликъ, котрый дорозшій менѣ якъ жить...“

Сестра Марія усмѣхнулася и сказала:

— „То вы уже мене не глядали? А якъ же то сталося, что вы прїйшли ажъ сюда?“

— „Коли Васъ выбрали на настоятельку, вѣсть о томъ дойшла ажъ до нашихъ горъ Калабрійскихъ. Почувши Вашое назvizко, я просивъ позволеніе отъ свою наставника, чтобы позволивъ менѣ пойти до Васъ и отdatи Вамъ зрабованый медаликъ, котрый Вамъ певно дорогій...“

Старецъ гиковся и чторазъ тяжше говоривъ. Велики слезы спадали ему зъ очей, на цѣломъ тѣлѣ дрожавъ, а медаликъ подавъ черницѣ.

— „О, добрий брате!“ сказала черница, мусила бы я быти безъ сердца, если бы я хотѣла Вамъ забрати сей медаликъ, котрому вы завдячуete свое наверненіе и теперѣшное счастье. Хотяй дорожій онъ для мене, то однакъ най остане при васъ, най Пречиста Дѣва и на дале васъ сохраняе и заведе до счастливого конца.

Старий чернецъ такъ бывъ тронутый, что не могъ ани слова высказать, лише клякнувъ на колѣна, цѣловавъ медаликъ и говоривъ черезъ слезы:

— Сестро, добра сестро, най Пречиста Дѣва нагородить Вамъ...

вертаете менъ житье, и больше, бо безъ медалика и житье былобы менъ немилое...“

Наставница перервала ему тѣ подяки и сказала: „Доста, доста! Будьте здоровѣ, дорогій Брате, въ небѣ, при Пречистой Дѣвѣ Маріи увидимеся!“ и сама пошла до каплицѣ.

Тутъ упала передъ Пресв. Евхаристію и со слезами дяковаля Богу за наверненя страшного разбойника Пепина и поручала сго и на дальше въ опѣку Пресв. Дѣвѣ Маріи, якъ найпевнѣйшому Прѣбѣжищу грѣшниковъ.

## Мѣсячное намѣреніе на мѣсяцъ Августъ.

### для членовъ Апостолства Молитвы.

*Поборюваня протестанскoъ акцiю въ католицкихъ краяхъ.*

Свята Церковь мала, мае и буде мати всегда много вороговъ. Якъ свѣтъ гонивъ основателя Церкви Іисуса Христа, такъ само гонить и Его Церковь. Церковь Божа се якбы корабель середъ моря; якъ корабель мусить боротися проти филь, что его хотять перевернути, такъ и св. Церковь мусить боротися проти вороговъ своихъ, котрѣ желали бы ею зруйновати.

Церковь Божа мае двохъ головныхъ непріятелей. Одинъ иде на неѣ изъ востока, — се схизма, котру заосновавъ Фотій, а другій иде отъ запада — а се протестантизмъ, якій выкликавъ Лютеръ въ Нѣмеччинѣ, Кальвинъ въ Швайцарії, а Генрикъ VIII въ Англії. Тѣ протестанты откидають и не признають много правдъ св. вѣры.

Не признають они св. Отца Папу Римского за намѣстника Христового, немають нѣ Службы Божоѣ, анѣ не почитаютъ Пречисту Дѣву Марію, нѣ іншихъ святихъ. Та не всѣ протестанты еднако вѣрять. Оденъ вѣрить то, другій се, якъ кому любится. Они подѣлилися на разнѣ секты, або партіи. Лише въ Америцѣ тыхъ сектъ есть большие якъ 400. Между нами найбольше лучаются кальвинисты. Хотя много есть тыхъ прогестанскихъ сектъ и хотя они между собою воюють, то однакъ всѣ годятся, коли розходится, чтобы поборювати святу Церковь и знищити Божое слово, св. вѣру въ людскихъ душахъ.

Чтобы знищити въ людяхъ правдиву вѣру и перетягнути правдивыхъ христіянъ на свой протестантизмъ, протестанты выдаютъ много грошей. За тѣ гроши они въ правдиво христіянскихъ краяхъ будують свої школы, выдаютъ новинки, держать множество своихъ проповѣдниковъ и агентовъ.

На нашомъ Подкарпатію они звичайно посылають, людей котрѣ идутъ зъ села до села и раздають задаръ, протестански біблії, книжочки, новинки. Тѣ книжки и новинки позерають на побожнѣ и хосенинѣ, але такими не суть, якъ не все, что блестить есть золотомъ або діамантомъ, бо и скло блестить, а діамантомъ не есть. Люде не, спознаючи тыхъ книжокъ, беруть ихъ и читають тай затровують свої души протестанскою отровою. Тому треба дуже позирати на тыхъ людей, что задаръ або за тунѣ гроши продають бібліи и інши книжки.

Бывае такожъ и такое, что поиде изъ села декто до Америки. Тамъ онъ попаде между протестантовъ, они збаламутять его, да-дуть еще грошей и онъ покине свою правдиву вѣру за той одинъ грошъ. Коли верне онъ изъ Америки, думае, что онъ дуже розум-ный, бо знае читати библію, хотя еੰ не розуміє и баламутить своими протестанскими выгадками цѣлое село. Онъ не ходить до церкви, не хоче и чути про священика, про св. сповѣдь, онъ лише цѣлыми днями высиджуе надъ своею библіею и думае, что она принесе ему спасеніе.

Въ Америцѣ есть навѣть школы, где учать молодыхъ людей на такъ званыхъ прѣчеровъ, то есть проповѣдниковъ протестантизму. Такихъ прѣчёровъ они розсилають по цѣломъ свѣтѣ. Не одинъ прѣ-черъ часомъ и загляне на наши села.

Тою своею роботою могутъ протестанты дуже много пошкоди-ти и дѣйсно таки шкодяеть людскимъ душамъ.

Тому есть обовязкомъ нашимъ молитися, чтобы Господь отдаливъ отъ каѳолического свѣта ту небеспеку протестантизма, котра гро-зить ему не менше, якъ Фотіева схизма.

## Здайся на Божу волю.

Много есть людей, что ниякъ не хотути погодитися изъ тымъ терпніемъ, якое на нихъ Господь зсылае. Колько то матерей есть на свѣтѣ, котрѣ нарѣкають на Господа Бога, коли Богу подобается забрати до себе дѣтину. Такъ матери не мудро поступаютъ. Богъ лѣпше знае, что робить и чому робить.

Оповѣдають такое, что одна мати мала сынка. Она его дуже любила. Разъ похворѣвся сынокъ и то дуже тяжко, такъ что смерть была майже певною. Мати однакъ начала дуже горячо молити Бога о выздоровленіе своеї дѣтины и ниякъ не могла погодитися изъ тою думкою, что Богъ хоче дѣтину забрати до себе. Парохъ радивъ ма-тери, чтобы она радше просила о сповненіе Божої волї и зъ тою волею згодилася.

На тѣ слова пароха закликала розгнѣвана мати: „Нѣ, се не смѣе быти; моя воля мусить статися!“ И что сталося. Сталося по еੰ волї, але только на еੰ бѣду. Справдѣ выздоровѣвъ еੰ сынокъ, але коли выросъ не было изъ него радости. Сынъ зачавъ провади-ти грѣшное житѣ, ставъ великимъ злодѣемъ и розбишакомъ, вкон-ци згинувъ на шибиници!

Ци не было бы лѣпше якъ бы той сынокъ умеръ въ молодо-сти? Только одень Богъ знае будучность.



Милосердный Богъ больше спѣшишься освободити кающоюся ірпинника, чимъ спѣшишься добра матерь вы-ратовати свою дѣтину изъ огня.

## ИЗЪ ЖИТЯ СВЯТЫХЪ

Заступникъ на мѣсяцъ Юлій.

### Св. Августинъ Епископъ ипонискій.

Св. Августинъ родився въ городѣ Тагастѣ въ Нумидії въ 354 роцѣ. Доставши отъ своеї матери св. Моники христіянское выхованіе, удався въ 16 омъ роцѣ своего житя до Картагины. Тамъ попавъ онъ неодовго въ неморальное житѣ, а будучи зарозумѣлымъ на свою науки и знанія, почавъ легковажити вѣру св. церкви и отдався манихейской науцѣ. Сія наука узнавала два початки се есть двохъ боговъ. Одинъ бывъ богомъ зла, а другій богомъ добра.

Въ той науцѣ онъ надѣявся найти правдиву мудрость и оправданія своего неморального житя. Тымъ часомъ мати проливала горячѣ слезы надъ своимъ блуднымъ сыномъ. По сконченю науки Августинъ бывъ учителемъ напередъ въ Римѣ, а потомъ въ Медиоланѣ. Помало почавъ онъ познавати марность манихейскої науки, бо не нашовъ въ ней ани отвѣта на вопросы своего розуму, ни успокоенія для своеї совѣсти. Между тымъ учувши, якъ загально хвалять проповѣды св. Амвросія, пошовъ онъ до Церкви, чтобы пересвѣтитися, ци поправдѣ св. Амвросій такимъ добрымъ проповѣдникомъ. Простѣ и яснѣ слова епископа трунули Августина и правда начала постепенно втискатися до его сердца. Онъ почавъ каятися за туту легкодушность, изъ якою бывъ выступивъ противъ церкви. Теперь онъ ставъ честовати св. Церковь и имився до читаня св. Письма, которое передъ тымъ маловаживъ. Але онъ бывъ вже такъ дуже застригъ въ грѣхи, что не могъ отъ разу цѣлымъ сердцемъ отдатися христіянству. Такъ онъ стоявъ нерѣшеный между Богомъ и свѣтомъ. Но въ конци Божа правда перемогла и онъ постановивъ статися вѣрнымъ сыномъ св. Церкви. Але еще не бывъ крещеннымъ, бо въ тыхъ часамъ бывъ звычай, что св. крещеніе откладалося на позднѣйшій часъ, отправився отже въ отлюдное мѣсто не далеко отъ Медиолана, где приготовлявся до тѣхъ святої тайны. Перебывъ тамъ три мѣсяцѣ въ молитвахъ и постѣ, оплакуючи свою грѣшну минувшость.

Коли вернувъ, то Св. Амвросій окрестивъ его въ 387 роцѣ. Тогда, якъ каже переданіе, тоты оба святѣ мужи составили знану похвальну пѣсню; „Тебе Бога хвалимъ“ котру на перемѣну мали спѣвати при Службѣ Божій. Св. Августинъ отказался отъ учительства и постановивъ вернути до Африки изъ своею матерію, котра пошла за нимъ ажъ до Медіолану. Они холѣли еще увидѣти свою

родну землю и тамъ зложити своѣ кости. Но мати св. Августина вже не довелося увидѣти Африки, бо въ пути померла. Августинъ прійшовши до отчины, роздавъ частину своего маєтку худобнымъ, а частину уживъ на будову великого монастыря въ Африканской пустыни. Въ томъ монастыри онъ самъ перебывъ довшій часъ изъ своими товаришами. Тай составивъ онъ монашій уставъ, котрого то устава еще до днесъ держатся монахи латинского обряда, котрѣ називаются: Августиняне. Въ томъ монастырѣ св. Августинъ провадивъ дуже строгое житъе и тамъ написавъ много богословскихъ книгъ, зъ которыхъ найцѣнѣйшѣ и найславнѣйшѣ суть книги: „О Пресв. Тайнѣ“ и „О Божой державѣ.“ Онъ прославився въ ученомъ свѣтѣ такъ, что между учителями св. Церкви занимае якъ не найпершое, то безперечно одно изъ найпершихъ мѣсть.

Хоть онъ мѣркувавъ въ томъ монастыркомъ затишку остатися до конца своего житъя, однакъ Господь Богъ бывъ призначивъ ему чину судьбу. Его покликано на епископа города Ипо. На своимъ новомъ становищу св. Августинъ памятавъ не лише на своихъ вѣрныхъ, но такожъ на цѣлу Церковь Христову. Всѣ ересы, якихъ тогды явилося доста, онъ поборювавъ, своими глубоко учеными и переконуючими письмами.

Онъ описавъ такожъ цѣлое свое житъе изъ великою смиреностію въ книзѣ „Исповѣданія.“

Св. Августинъ бывъ епископомъ 36 роковъ. Въ 76 рока своего житя упокоився въ Бозѣ 28 августиа 430 рока по Хр. Въ 725-омъ роцѣ его мошѣ перенесено изъ Африки до Церкви св. Петра въ Павії (въ Італії)

Сего рока св. Церква по цѣломъ свѣтѣ обходить величаво 1.500 лѣтну памятку смерти своего великого учителя.

## Вартость житя.

Яка велика наша недбалость и слѣпота! Мы сотвореннѣ на то, чтобы мы жили для Бога и познавали Его безконечну доброту и уже на той земли выгнаня лучилися зъ Нимъ и напередъ засмаковали будущого блаженства. На то дана есть намъ память, чтобы мы згадовали на Бога и на то мы надѣленѣ розумомъ, чтобы мы вѣрою и розважаньемъ поступали въ познанію Бога, на то такожъ маеме волю, чтобы мы Бога желали и Его любили.

Чому то мы не зберѣгаєме всѣ наши силы душевнѣ для Господа Бога але уживаєме ихъ, чтобы познати и любити низкѣ рѣчѣ? Чому ту память, розумъ и волю пхаеме до гниючого багна? Памятайме на наше достоинство, зважме, что наши души суть образомъ и подобою Самого Бога! Знайме, что чоловѣкъ цѣлый належить до Господа Бога.

Той любить по правдѣ Бога, кому Богъ есть тымъ, кимъ есть, кому милѣ суть небеснѣ рѣчѣ, а мерзки земски, кто змагается выполнити зъ свого сердца бурянъ грѣха, а мѣсто того засадити плодоноснѣ дерева христіянскихъ чеснотъ.

## НОВОСТИ

**Св. Отецъ въ послѣдной консисторіѣ** державъ промову. Въ той промовѣ вказовавъ збольшенну дѣятельность протестантовъ, котрѣ намагаются здобыти въ Италіѣ впливъ и зыскати для себе прихильниковъ.

Въ Италії отбывся четвертый конгресъ „Лиги против богохульства.“ Якъ звѣстно Игалійцѣ мають нахиль до проклоновъ и въ найменшомъ гнѣвѣ лаютъ Бога. Ся Лига вже зробила дуже много, чтобы выкоринити изъ своего народа сей поганый звычай. И заходами сеѧ лиги урядъ выдавъ много декретовъ, котрѣ змагають до усуненя проклоновъ зъ публичныхъ мѣсть. Въ войску строго карается всяка богохульна бесѣда и всякъ проклоны.

Въ Америцѣ запровадили въ деякихъ высшихъ школахъ выклады про енциклику (паstryрскій листъ) Папы Льва XIII. Изъ тѣ енциклики учать учениковъ якъ то властитель мають поводитися изъ роботниками, а роботники изъ властителями. Коли бы люде держалися того листа то не было бы только кривды на свѣтѣ.

**Будучій международный Евхаристійный конгресъ** отбудеться 1932 рока, въ головномъ городѣ Ірляндїи, Дубльнѣ. Вже выбрано комитетъ котрый вже робить приготовленіе. Комитетъ выдавъ просьбу до всѣхъ католиковъ свѣта просячи молитвы за успѣхъ конгресу.

Въ день Именинъ св. Отецъ получивъ отъ пануючихъ и отъ президентовъ многихъ державъ телеграмы, зъ желаніями; между ініциими прійшла такожъ отъ Вик. Емануила італійского короля

Въ Новгородѣ въ Россіи большевики въ страшный способъ катовали одного старенького священника, Круцинскаго. Напередъ мучили его седмъ дней голодомъ, потому привязали до стовпа и занурьовали до воды доки онъ не удушився. То есть только одинъ изъ тысячовъ случаевъ.

Въ Іспанії отбывся загальний звѣздъ апостолства молитви въ присутности 10,000 делегатовъ, яки заступали 1,700,000 членовъ. Звѣздъ закончився спольнимъ святымъ Причастіемъ, до котрого приступило такожъ 30.000 дѣтей.

Въ Мадярщинѣ идутъ велики приготовання до свяіковання ювілею св. Емериха. Урядъ выдавъ особнѣ почтовѣ значки. Святый Огнецъ выдавъ Енциклику въ котрой взыває мадярску молодежъ ити слѣдами еї патрона.

**Новое уздоровленіе въ Люрдѣ** Люрдска газета доносить, что дня 17 мая с. р. потверджено урядомъ новое чудесное уздоровленіе въ Люрдѣ. Уздоровленій зоставъ Марцель Микель, листоношъ, мающій 45 роковъ, отъ 1917 рока впавъ въ тяжку хвороту, супротивъ якоѣ всѣ лѣкари были безсильными. Уздо-

ровленіе наступило посля третього зануреня въ чудотворной саджавци. Отъ тоѣ хвилѣ п. Микель радовався новымъ здоровльемъ, такъ что могъ вернути до роботы и выконуе еѣ безъ трудности, якъ передъ своею недугою.

**Кромѣ катедри св. Павла въ Римѣ,** за яку поручено италійскому урядови 3.300 тыс. лировъ, перейде въ найближшихъ дняхъ въ посѣданіе Ватикану монастырь Санъ Онофріо. Въ томъ монастыри находиться смертна комната и бібліотека Торквата Тасса. Урядъ передасть еї вразъ зъ мнастыремъ въ розпоряженіе Ватиканови.

**Яка свобода религії въ большевії.** Одинъ схизматицкій священникъ, что утькъ зъ большевіи до Польщи, такъ розповѣдає про свободу религії въ царствѣ антихриста:

Приходять люди до комисаря и просять, чтобы дозволивъ правити въ церкви Службу Божу. „Но, звычайно, можно — отповѣдае — у насъ свобода религії.“ А за полъ годины по томъ сей самый комисарь приходить до мѣстного священника и погрожуючи револверомъ, каже: „Коли пойдешь попе, правити, достанешъ кулю въ голову. То само буде зъ тобою, коли скажешъ кому про ту нашу розмову.“ И бѣдный священникъ не може правити Службы Божої и не може навѣть сказать, чому отмовляется отъ отправы. А люде нарѣкають.

**Сердечну подяку** складаю Матери Божої Мукачевской за ласку выздоровленія, при тяжкой операциі, а такожъ С. Бенигни Конзолатѣ Ферреро за многъ ласки.

Поликарпъ Л. ЧСВВ.

*За благословенiemъ Епархіальною Правительства Мукачевского.*

**Дорогое перо.** Недавно было выставленое на продажъ въ Нью-Йорку перо, якимъ колись потписовавъ Президентъ Соединенныхъ Державъ Лінкольнъ законъ про изнесеня невольництва. То-то перо купивъ собѣ на памятку якийсь богачъ за 2300 долларовъ.

**Голодъ въ Китаю.** Тяжкій пережили рокъ Китайцѣ минулого лѣта. Не мали что ъсти и изъ голоду умерло тамъ около двохъ міліоновъ людей. Але и сей рокъ не буде для нихъ лѣпшій. Преса подаетъ, что задля недостатку поживы, борется теперъ въ Китаю изъ смертію болѣше якъ 3 міліоновъ населенія.

**Найстаршій кардиналъ умеръ.** Тыми днями умеръ кардиналь Винценцо Ваннутелъ въ 94 роцѣ житя, что бывъ найстаршимъ Колегіи Кардиналовъ. Вродився онъ въ 1836 рока, рукоположений въ 1860 рока.

**Торжества ювілейного рока** добѣгають конца. По докладной статистицѣ, сего рока прийшло до Риму 543 паломництвъ, середъ которыхъ было 21 изъ по-за Європы. Найбільше паломниковъ было изъ Франції (15 тис.) изъ Нѣмечини (10 тис.) и Іспанії (8 тисячъ). Изъ Африки было до 600 паломниковъ.

**Новий деканъ св. Колегії.** По смерти кардинала Ваннутеля деканомъ св. Колегії іменованый австрійскій кардиналь Фрівіртъ, народжень въ 1845 р.

## Выдавництво Чина св. Василія Великого въ Ужгородѣ поручає слѣдуючѣ книжки:

**Полный Требникъ** (печатаный въ Жовквѣ). Обнимаетъ 899 стор.

Находятся въ немъ всѣ чотыри части: I. Таинства, II. Освященія, III. Благословенія, IV. Моленія на всяку потребу. Двойный друкъ: чорный и червень. Форматъ дуже додоний. Ясный перглазъ, буквы читкѣ, выразнѣ. Оправленый въ полотно 130 Кч, въ кожу 150 Кч, почтовое (поруч.) 5 Кч.

**Оутреня й Еечерна** ч. I. Содержаніе: Служба всѣхъ праздниковъ подвижныхъ: Служба Октоиха въ недѣлю; Служба обща Святымъ; Евангелія воскресніи и Стихиры Евангельски; Пѣснь умилительна; Пасхалія и Мѣсяцословъ. — Книжка переплетена въ полотно.

Стоитъ 50 Кч, въ лѣпшой оправѣ 60 Кч, зъ почтою 64 Кч.

**Оутреня й Еечерна** ч. II. Содержаніе: Служба всѣхъ праздниковъ неподвижныхъ съ Пред- и Попразднествами въ недѣлю; Служба Октоиха въ недѣлю; Евангелія воскр., и Стихиры Еванг. Пѣснь умилительна; Пасхалія и Мѣсяцословъ. Книжка переплетена въ полотно.

Стоитъ 60 Кч, въ лѣпшой оправѣ 70 Кч, зъ почтою 74 Кч.

**Чинъ Тайны Крещенїя й Миропомазанїя.** Цѣна 5, зъ поcht. 5·60 Кч.

**Чинъ Тайны Свѣржества.** Стоитъ 5 Кч, зъ поcht. засыл. 5·60 Кч.

**Чинъ Тайны Єлеопомазанїя.** Стоитъ 5 Кч, зъ почтою 5·40 Кч.

**Чинъ Паастаса й погребенїя мірскихъ человѣкъ.** Ц. 10 зъ п. 10·80 Кч „Часослобъ“ (Ерейскій молитвословъ) перепл. въ полотно 50 Кч,

перепл. въ кожу съ золоч. обрѣзомъ 80 Кч, почтовое (поруч.) 5 Кч.

**Псалтирь** (безъ величаній). Ст. 296. въ полотн. оправѣ. Ц. 22, зъ поcht. 23 Кч **Якадистникъ**. Стоитъ 27 Кч., зъ почтою Кч. 28·30.

---

**У Стіп Учителя** мѣстить 204 читань для священниковъ, стор. 380.

Стоитъ 20 Кч, съ почтовою засылкою 21 Кч 20 г.

**Кровава Незабудька або Хресна дорога Спасителя** мѣстить читаня и молитвы о Страстяхъ Христовыхъ. Стоитъ 6·50 Кч, зъ почтою 7·30 Кч.

**Церковні Пісні** (зъ нотами), мѣстить 301 пѣсень. Ц. 22 зъ поcht. 23·20 Кч.

**Катехизмъ Шпираго** ч. I., II. и III. Въ I. части широко выложена наука св. каѳ. вѣры, въ II. говориться про науку обычавъ, а въ III. выложена наука про Средства ласки. Книжки брошурованѣ, кожда окремо. Цѣна ихъ така: Ч. I. и II. стоять по 25 Кч, съ поcht. по 28 Кч. Ч. III. 22 Кч, съ поcht. 24·50 Кч.

**Хвалите Господа.** Молитвеничокъ для интелигенцій, печатаный фонетикою на 2 фарбы, маленького формату 6×10. Цѣна 13, зъ поcht. 13·50 Кч.

**Коляди** (зъ нотами). Содержить 80 колядъ. Цѣна 14, зъ поcht. 14·80 Кч.

**Коляди** (безъ нотъ). Содержить 52 колядъ. Цѣна 3·60, зъ поcht. 4 Кч.

**Через мечі до життя.** Повѣсть. Цѣна 15— Кч, зъ почтою 16·20 Кч.

**Проповіди на Великій пост.** Цѣна 6— Кч, зъ почтою 6·50 Кч.

**Біблія Старого Завіта** ч. I. и II. (двѣ книжки). Цѣна одної книжки 20 Кч, зъ почтою 23 Кч.

**Божествений Спаситель.** Нарисъ житя Іисуса Христа въ народ. мовѣ.

Цѣна 25 Кч, зъ почтою 28 Кч.

**Житя св. свящнч. Іосафата архіеп. Полодкого.** (309 сторонъ)

Стоитъ 10— Кч, зъ почтовою засылкою 10·80 Кч.

**Брошурка „У стіп Учителя“** и всѣ інші, оддаленій одъ богослужебныхъ книжъ линейкою, печатанъ въ галицкомъ языци (фонетикою).

## Выдавництво Чина св. Василія Великого въ Ужгородъ

поручає слѣдуючѣ книжки своєго изданія:

**Молитвенникъ для греко-католицкого руського народа.**  
Составилъ о. Петро Котовичъ ЧСВВ. стор. 507. Изд. II.

Содеряніе сеѧ книжки: Короткій катехизмъ; Молитви повседневніи; Молитви утреніи, Молитви вечерніи, Молитви подчасъ Службы Божоъ, Приготовленіе до св. Сповѣди, Молитви передъ и по Сповѣди, Молитви передъ и по св. Причастію, Молитви до пресв. Сердца Іисусового, Молитви до Пречистоъ Дѣвы Марії, Молитви до святыхъ. Чинъ Утрени, Божественная Литургія, Чинъ Вечерни. Акафистъ до І. Христа, Акафистъ до Преч. Дѣвы Марії, Тропари воскресніи и повседневніи, Служба на всякое прошеніе, о усопшихъ, Тропари и Кондаки св. Четыредесятницы, Пятьдесятницы и всѣхъ праздниковъ декретальныхъ. Кромѣ сего е: Пѣснь на Рождество Христове, Пѣснь въ честь св. Тройцѣ, Пѣснь въ честь Преч. Дѣвы и св. отца Николая Пѣснь благодарственная, Календарь цѣлого року и Пасхалія.

Оправлений стоить 8 Кч., зъ почт. засылкою 8·80 Кч.

**Да святится Имя Твое. Молитвословъ для молодежи.** Стор. 223.  
Печатаный окремъшно рускими а окремъшно латин. буквами.  
Содеряніе: Короткій катехизмъ. Молитви повседневніи, утреніи, вечерніи, подчасъ Службы Божоъ, передъ и по сповѣди, передъ и по св. Причастію, до Пресв. Сердца Іисуса. до Преч. Дѣвы Маріи и до св. Іосифа; Чинъ Вечерни, Утрени, Божественна Литургія, Тропари и Кондаки воскресни, на всякое прошеніе и о усопшихъ; Пѣснь на Рождество Христове, въ честь Пресв. Тройцѣ, къ Пресв. Дѣвѣ Маріи и въ честь св. Отца Николая.

Оправлений стоить 4 Кч., зъ почтовою засылкою 4·60 Кч.

**Mennyei Harmat.** Сторонъ 256. Змѣсть сего молитвенника есть слѣдующій: Mindennapi imádságok, katekizmusból, reggeli imádság, esti imádság, különféle imák, Szentségi imádságok: gyónási ájtatosság, áldozási ájtatosság, mise-imák, nyilvános Isteni szolgálatok, énekek a reggeli Istentiszteletból, a szent Liturgiából, a délutáni Istentiszteletból. Kiegészítő részek a nyilvános Isteni szolgálatokhoz: vasárnapokra, a hét napjaira, a nagybőji időszakban, a husvét-pünkösdí időszakban, az állandó ünneperekre, különféle alkalmakra: a Szentlélek segítségül hivására, minden jótérés szándékára, háláadás szándékára, a halottak lelki nyugalmáért. Panachidán. Engesztelő ének a legmélítóságosabb Oltáriszentséghez.  
— Молитвенникъ переплетеный въ повполотно стоить 5 Кч. зъ почтовою засылкою 5·80 Кч.

**Молебень къ Святѣйшому Сердцу Іисуса и къ Пр. Дѣвѣ Маріи.**  
Содержить кромѣ двохъ молебновъ, дасколько пѣсней къ Пресв. Сердцу Іисуса и Преч. Дѣвѣ Маріи и Пѣснь благальну (супликацію). Печатана окремо рускими, а окремо латинскими буквами. Стор. 44. Стоитъ 80 гел., зъ почтою 1 Кч.

**Найсвятѣйшое Сердце Спасителя. Коротка наука для членовъ общества Святѣйшаго Сердца Г. Іисуса Христа.** Сторонъ 64.

: Исторія набожности до Пресв. Сердца Іисуса и ласки, котоъ ю обѣцявъ почитателямъ Пресв. Сердца. Повинности для членовъ .  
1. Дасколько молитовъ къ Пресв. Сердцу Іисуса. Молебень къ .  
ду Іисуса. Пѣсня благальна (супликація). Золота корунка къ П. .  
Дасколько пѣсней къ П. С. Іисуса. Прочто почитаеме П. Сердце .  
а? Печатана окремо русьюкою, а окремо латинською азбукюю.  
ный 3 Кч., брошуроный 1·50 Кч., — почтова засылка 60 гелл.

**Популяризъ катехитичнѣ проповѣди для католицкого народа.**  
Часть I. Про вѣру. Часть II. Про надію и любовь. Кожда часть творить окрему книжку. Темы проповѣдей дуже актуальнѣ.  
Цѣна по 20 Кч за одинъ прим., зъ почтою по 21·80 Кч.